



Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 5. Thomas datum consensum retractat.

[urn:nbn:de:hbz:466:1-66377](#)

§. V.

Sæcul. XII.
A.C. 1164.*Thomas datum consensum retractat.*

Actis conscriptis, ab Archiepiscopo certisque Episcopis petuit Rex, ut ad majorem firmitatem sigilla sua apponarent. Verum Archiepiscopus, et si vehementer doloret, dissimulans tamen, dixit, quamvis id facere statuissent, tanti momenti rem esse, ut merito aliqua mora interjicienda esse videretur, sicque post maturam deliberationem cuncta decentius perficerentur. Accepit etiam unum exemplar Actorum, Archiepiscopus Eboracensis alterum, & Rex tertium, quod in Tabulario Regio reponeretur. Ita discessit Thomas, Wintoniam peturus. In itinere ortum est iugium inter Archiepiscopi familiares, quorum aliqui

6. 22.

siaſtici periti judicium fit, quantum hæ Consuetudines Angliæ nostris Constitutionibus congruant, quantum discrepent. Plane, si nostram Bavariam spectemus, Serenissimus Elector, per suum Consilium Ecclesiasticum, quod tum ex Clericis tum ſecularibus viris conſtat, causas Ecclesiasticas, si non ſint pure spirituales, magna auctoritate definit. Atque etiam Ratiocinia de redditibus & expensis Ecclesiarum ruralium praesente Prætore Electorali, cuius custodiæ hujusmodi census committuntur, iniiri debent.

Sæcul. XII. liqui dicebant ; pensatis adjunctis Archiepiscopum rem melius gerere non potuisse, sed cedendum fuisse tempore. Alii tristitiam profitebantur, quod Libertas Ecclesiastica ob unius hominis temeritatem periret. Ac istorum aliquis, qui Præsuli Crucem præferebat, ceteris vehementius indignabatur, quod omnia a potestate sæculari turbarentur, jamque illi soli magni æstimarentur, qui in gratiam Principis & fas & nefas admittent. Et tandem adjecit : *O tristem innocentiae sortem ! quis desertam tuebitur, quis defendet jacentem, postquam Dux ipse victus est ? cuius virtutis posterum studiosus erit, qui amisit constantiam ? Cui Archiepiscopus : Quem petis bisce jaculis, fili mi ! te ipsum, reponit Cruciger, te, inquam, qui bodie & conscientiam & famam tuam perditam voluisti, odio dignum posteris relinquens exemplum, cum manus sacras extendisti & consuetudines execrabilis servare promisisti.*

Tunc Præsul, altum suspirium dicens, *pœnitet me, inquit, commissæ culpæ. Horreo factum, meque indignum officiis Sacerdotalibus existimo, nec ad Altare illius accedere audeo, cuius Ecclesiam mea ignavia prodidit. In silentio & luctu perseverabo, donec a Deo & Patri absolvi merear.* Exinde Thomas a Minis.

Ministerio Altaris se ipsum suspendit, Sæcul. XII.
 ac in pœnitentiam jejunia & aspera ci- A.C. 1164.
 licia sibi injunxit. Paucis postea elapsis diebus, nuncios misit, qui celeriter ad Papam se conferrent.

Pontifex, qui tunc Senonibus versabatur, cum responso etiam Absolucionem Archiepiscopo dedit, solatum sugerens & exhortans, ut officia Sacerdotis repeteret, & boni Pastoris munere constanter fungeretur.

Contra vero Rex, ubi comperit, quod Archiepiscopus, quæ Clarendonæ plauerant, retractare nunc vellet, viditque quod Acta ibidem conscripta sigillo apposito firmare, se præsente, recusaret, ira exardens, magnis exactionibus vexare Præfulem cœpit, quin etiam eum vita privaturus videbatur.

Itaque Archiepiscopus intelligens, se inter has turbas non posse Ecclesiæ suæ prodesse, in Franciam navigare statuit, ad Papam iturus, & clanculum navem concendit. Sed ventis adversantibus in Angliæ oram rejectus est. Cumque ad aures Regis pervenisset, Thomam se inscio ex Insula solvisse, multo acrius commotus est. Inter hæc Rotruvius Episcopus Ebroicensis reconciliandis Regis & Archiepiscopi animis operam dabant, & Rege, nisi consuetudines Regni confirmarentur, conditiones omnes re-

6. 24.

Hist. Eccles. Tom. XVII. Hh pel-

Sæcul. XII.
A.C. 1164.

pellente, Archiepiscopus missis ad Papam
Nunciis in speciem rogavit, ut eas rata
haberet, revera autem, ut Summum
Pontificem in hoc negotio Judicem con-
stitueret, onus suæ conscientiæ in sibi
Præpositum effunderet, sicque Regem
placaret.

At non sefellit Papam hæc industria,
qui Consuetudines confirmare noluit; unde Rex videns, se hac via nihil efficere,
perversis quibusdam consiliariis usus,
Jus Legationis in Anglia in Rogerium
Archiepiscopum Eboracensem, veterem
Thomæ æmulum, transferre molitus est.
Negavit Papa id se concessurum esse,
quod Ecclesiam Cantuariensem antiquo
suo privilegio spoliare nollet. Cum vero
Rex Legatos ad Alexandrum hac in
causa secundo misisset, timens ne, si o-
mnino nihil indulgeret, nimis exacer-
baret Principis animum, & ipsi Thomæ
noceret, Consuetudinibus constanter
rejectis, Rogerium Legati Titulo dona-
vit, sed additis hujusmodi conditioni-
bus, ut ejus potestas prope ad nihilum
redigeretur, quippe nec Thomam nec
eius Diœcesim novo Legato subjicit, &
promissum exegerat, Literas Institutionis
suæ non prius Rogerio esse reddendas,
quam ille iterum consensisset. Hac
dignoscimus ex Alexandri epistolis ad
Thomam datis, quarum primæ dies
quinti

I. ep. 4. 5.

quinta Martii Senonibus apposita est. Sæcul. XII.
A.C. 1164.
In ista epistola & in quadam alia sequentia
monita Thomæ suggesterit; caute & sa-
pienter cum Rege ageret, nullam viam
intentatam relinqueret, qua cum Prin-
cipe suo in gratiam redire posset, sine
libertatis Ecclesiasticæ detimento. *Noli,*
inquit, quemcunque rigorem contra Re-
gem vel Regnum adhibere, usque ad proxi-
mum Pascha. *Tunc meliora nobis Deus*
concedet tempora, & ambo de hac causa
magis tuto decernere poterimus. Hic
Alexander Antipapæ Octaviani fata
prospexit videtur. Scripsit quoque
Papa Regi Angliæ, & gravi oratione
hortatus est, ut Consuetudines suas
Libertati Ecclesiasticæ adversas mitteret,
memor, quam terribile Dei Judicium
subiturus esset, & quam atroces poenas
Reges, qui Sacerdotii jura læserunt, su-
stinent coacti fuissent.

ep. 43.

ep. 42.

§. VI.

Diffidium inter Regem & Archiepi-
scopum recrudescit.

Rex nihilominus, jure, quod com- *vita c. 24.*
petere sibi credebat, usus, Clericos
furti, homicidii, aliorumve criminum
delatos in Judicio Prætorum suorum
flare compellebat, convictosque de-
poni, ac Curiæ Laicæ tradi jubebat.
Archiepiscopo autem pensanti, quid
utri-

H h 2

utri-